

MEDDYGFA WAUNFAWR DATGANIAD PREIFATRWYDD - PLANT

Beth yw datganiad preifatrwydd?

Mae rhybudd preifatrwydd yn helpu'ch meddygfa i ddweud wrthoch sut maent yn defnyddio'r wybodaeth sydd ganddynt amdanoch, fel eich enw, cyfeiriad, dyddiad geni a'r holl nodiadau y mae'r meddyg neu'n nyrs yn ysgrifennu amdanoch yn eich cofnod gofal iechyd.

Pam bod angen un arnom?

Mae angen rhybudd preifatrwydd ar eich meddygfa i sicrhau ei bod yn bodloni'r gofynion cyfreithiol a gaiff eu hysgrifennu mewn dogfen newydd o'r enw Rheoliad Diogelu Data Cyffredinol (neu GDPR yn fyr).

Beth yw GDPR?

Am gwestiwn gwych! Mae GDPR yn ddogfen newydd sy'n helpu'ch meddygfa i gadw'r wybodaeth amdanoch yn ddiogel. Mae'n newydd a bydd yn cael ei gyflwyno ar 25 Mai 2018, gan wneud yn siŵr bod eich meddyg, nyrs ac unrhyw staff arall yn y feddygfa yn dilyn y rheolau ac yn cadw'ch gwybodaeth yn ddiogel.

Yn y feddygfa, mae gennym bosteri yn yr ystafell aros a thafleini i'w rhoi i blant ac oedolion ac mae gennym hefyd wybodaeth am breifatrwydd ar ein gwefan, yn dweud wrthoch sut ydym yn defnyddio'r wybodaeth sydd gennym amdanoch.

Pa wybodaeth ydym ni'n ei gasglu amdanoch chi?

Peidiwch â phoeni; rydym ond yn casglu'r wybodaeth sydd ei angen arnom i'n helpu i'ch cadw chi'n iach - fel eich enw, cyfeiriad, gwybodaeth am eich rhieni neu'ch gwarchodwyr, cofnodion o'ch apwyntiadau, ymweliadau, galwadau ffôn, eich cofnod iechyd, triniaeth a meddyginiaethau, canlyniadau profion, pelydr-x ac unrhyw wybodaeth arall i'n galluogi ni i ofalu amdanoch.

Sut ydym ni'n defnyddio eich gwybodaeth?

Cwestiwn gwych arall! Rydym yn cymryd eich gwybodaeth er mwyn ein helpu i ddarparu eich gofal. Ond efallai bydd angen i ni rannu'r wybodaeth hon gyda timau meddygol eraill, fel ysbytai, os bydd angen i chi gael eich gweld gan feddyg arbennig neu os byddwch yn cael eich anfon am belydr-x. Efallai bydd gofyn i'ch meddygfa helpu gyda ymchwil meddygol cyffrous; ond peidiwch â phoeni, byddwn bob amser yn gofyn i chi, neu'ch rhieni neu oedolion sydd â chyfrifoldeb rhieni, os bydd yn iawn i ni rannu'ch gwybodaeth.

Sut ydym yn cadw'ch gwybodaeth yn gyfrinachol?

Mae'ch meddygfa'n gwybod ei fod yn bwysig iawn i ddiogelu'r wybodaeth sydd gennym amdanoch. Rydym yn gwneud yn siŵr ein bod yn dilyn y rheolau sydd wedi'u hysgrifennu yn y GDPR a llyfrau rheolau pwysig eraill.

Beth os oes gennyf broblem feddygol tymor hir?

Os oes gennych broblem feddygol tymor hir yna rydym yn gwybod ei fod yn bwysig i wneud yn siŵr bod eich gwybodaeth yn cael ei rannu gyda gweithwyr gofal iechyd eraill er mwyn eu helpu i'ch helpu chi, gan sicrhau eich bod yn cael y gofal sydd ei angen arnoch pan fyddwch ei angen!

Dim eisiau rhannu?

Gall bob un o'n cleifion, dim ots beth yw eu hoed, ddweud nad ydynt eisiau rhannu eu gwybodaeth. Os ydych o dan 16 mlwydd oed mae hyn yn rhywbeth y bydd angen i'ch rhieni neu oedolion sydd â chyfrifoldeb rhieni amdanoch benderfynu arno. Gellir dod o hyd i fwy o wybodaeth gan aelod o staff yn y feddygfa, a all hefyd egluro beth mae hyn yn ei olygu i chi.

Sut allaf gael mynediad at fy nghofnodion?

Ydych chi'n cofio ni'n dweud wrthoch chi am y GDPR? Os ydych eisiau gweld beth sydd wedi'i ysgrifennu amdanoch, mae gennych hawl i gael mynediad at y wybodaeth sydd gennym amdanoch, ond bydd angen i chi gwblhau Cais Mynediad at Wybodaeth (SAR). Bydd eich rhieni neu oedolion sydd â chyfrifoldeb rhieni yn gwneud hyn ar eich rhan os ydych o dan 16 mlwydd oed.

Beth ydw i'n ei wneud os bydd gennyf gwestiwn?

Os bydd gennych unrhyw gwestiynau, gofynnwch i un o dîm y Feddygfa neu eich rhieni neu oedolion sydd â chyfrifoldeb rhieni. Gallwch ofyn i siarad â Rheolwr y Feddygfa neu'r Dirprwy

Beth i'w wneud os nad ydych yn hapus am sut ydym yn rheoli eich gwybodaeth?

Rydym wirioneddol eisiau sicrhau eich bod yn hapus, ond rydym yn deall weithiau y gall pethau fynd o'i le. Os ydych chi neu'ch rhieni neu oedolion sydd â chyfrifoldeb rhieni yn anhapus gydag unrhyw ran o'n dulliau prosesu data, gallwch siarad â rheolwr y feddygfa yn gyntaf. Os byddwch yn dal yn anhapus, gallwch gwyno. Am fwy o wybodaeth ewch ar ico.org.uk a dewis 'Raising a concern'.

Rydym bob amser yn gwneud yn siŵr bod y wybodaeth rydym yn ei roi i chi yn gyfredol. Bydd unrhyw ddiweddariadau yn cael eu cyhoeddi ar ein gwefan, yn ein taflenni, ac ar ein posterï.

Bydd y polisi hwn yn cael ei adolygu ym mis Mai 2019.